

# AD QVODLIBETARIAM

## QVÆSTIO MEDICA MATVTINIS DISPVTATIONIBVS AGITANDA

### IN SCHOLIS MEDICORVM DIE LVNÆ II. IANVAR. M. IOANNE

COVSIN DOCTORE MEDICO REG. MODERATORE PRVDENTISSIMO.

*An postremus hominis dies frigidissimus, siccissimus?*

**E**LEMENTIS simplicibus corporibus, mundi mixtisque partibus, quaternario numero comprehensis quatuor insignes in vitæ decursu mutationes ritè comparantur. Ignem enim calidissimum siccum, leuissimum, ad agendum efficacissimum iuuentus; Arem humidissimum calidum, nusquam purum pueritia seu adolescentia; Aquam frigidissimam humidam Senectus; Terram siccissimam frigidam Consistens ætas perbellè refert. Ea corpora prima, æqualiter aut inæqualiter mixta, æquale aut inæquale temperamentum constituunt, ex quibus, ut illud vnicum est, ita hoc numero penè infinitum: recti & æquitaris vnica via; erroris & obliquitatis innumera: quanquam & illius vnitas ad duo (ad pondus & ad iusticiam vocant) dilatarè, & huius immensa varietas ad octo, quatuor simplicia, totidem composita contrahi, constringique possit. Horum primum, præstantissimumque calidum humidum, postremum & pessimum frigidum siccum. Hinc vita eò melior, caloris humorisque substantia cumulator, quo ortui vicinior, & contrà.

**H**OMO ad ideam vniuersi effectus inter mixta (in quibus non nuda qualitates) primas tenet: illius causa sunt cætera mixta: illius solius valetudinem medicus intendit: nullum non experitur temperamentum, at calido & humido gaudet, hoc sibi destinatum purat, eo felicius viuit, facilius agit: Illius corpus, remotè ex quatuor rerum primordijs; propius, ex vtriusque parentis, eiusque fecundi semine, & sanguinæ menstruo sola copia reduntant; proximè ex partibus constat: quo nomine non sanguinem solis contentum in venis, non humores, aut spiritus corpore fusos, non adipem frigore concretum, non medullam ossibus conclusam, & similia comprehendere licet: ritè in similes & dissimiles, in spermaticas & sanguineas, in communes & priuatas, malè in similes & organicas secantur: quæ quò magis intra temperiei sibi congruentis limites calidum & humidum participant, eò melius nutriuntur, viuunt, operantur.

**Æ**TERORVM animantium formæ, non temperies, sed substantia, verum caduca; ex materia prodeunt, seu ex semine, seu exputredine oriantur, & in materiam per interitum redeunt. Hominis, est à Deo creata, immortalis, separabilis, indiuidua, in toto tota, non tamè æquè vbique operans: Tribus se prodit facultatibus, naturali, vitali, animali; quæ, ut operibus, sic sedibus & instrumentis differunt, atque ex suo quaque fonte vim quandam cum substantia singulis membris impetiuntur. Naturalis cæteras tempore & vsu præcedens in iecore, venarum opera totum corpus alit & irrigat, quinciam generationi incumbendo, si humor calorque suppetant, corpus auget. Vitalis in Corde, arteriarum ope vitam fouet & tuetur. Animalis, eaque princeps in cerebro, triplex, sedibus minimè distincta, per nervos sensum largitur & motum. Cerebrum, quia sapientiæ sedes, frigidum; quia sensus autor, humidum. Cor, quia fons vitæ, calidissimum. Hepar, quod nutritionis officina, calidum & humidum. Humido nutrimur, viuimus calido.

**I**MORTALE mortali, terreno cæleste, animam corpori spiritus connectit, tenuissimus, calidissimus, æthereus. Si influit, pro triplici parte, à qua procreatur, triplici facultate, cui ancillatur, triplicem naturam, triplicem fortitur appellationem naturalis, vitalis, animalis. Si partibus singulis insitus, pro earum varia substantia, variæque temperie variè discernitur. Is in humore primigenio insidet, calori nativo subternitur, vtrique tenaciter adherens, ab vtroque arctissimè restrictus. Humor ille ex puro semine partium similium substantiæ confectus oculorū aciem effugit; Iste calor blandus, benignus, cælestis sensum ferit: penes vtrunque nostræ vitæ initium, finis. Vt in fatalis stipticis incoluitate Meleagri salus; in ignis vestalis lumine virginis honos: ita tandiu homo aurà vescetur æthereà, quandiu & primigenius humor inconsumptus, & salutaris calor inextinctus manebit.

**I**N SEMINE mistis que ortus nostri primordijs tantum humoris, tantum natui caloris, quantum aliàs nunquam: quæ ortui proxima ætas, tanta istorum circumfuit abundantia, quanta sequens nulla: non vires eundo, sed imbecillitatem acquirunt. Ita homo, qui primo vitæ die calidissimus & humidissimus fuit, in feruida etiam iuuentute frigidus, in pueritosa Senectute aridus euadit; innato scilicet calido nulla arte reparabili, nullis herbis medicabili in dies marcescente, euanescente. Vnde hoc? Constat æterna lege ut constet æternum nihil. Vt Narcissus sua ipsius imagine oblectatus tabescit, ita misellus calor dum lætè viuit, perit; dum iucundo fruitur humidi commercio, cuius interitum non expetit, id tamen depopulatur; eo sublato, quem sui obitum & occasum non intendit, cum tamen nescius & imprudens conficit. Vnde mors vltima rerum linea.

*Ergo postremus hominis dies frigidissimus, siccissimus.*

Proponēbat Lutetiæ IOANNES DOSSIER Constantinas R. S. M. DC. XVII.

DOMINI DOCTORES DISPVTATVRI.

M. Ioannes Martin.  
M. Michael Seguin.  
M. Petrus le Conte.

M. Egidius le Blanc.  
M. Guillelmus de Vailly.  
M. Ioannes Monnoir.

M. Nicolans Pietre.  
M. Iacobus Cousinor.  
M. Petrus Seguin Prof. Reg.